

四儀同卷

爲一

四燈儀同卷

上清十一大曜燈儀

南斗延壽燈儀

北斗七元星燈儀

北斗本命延壽燈儀

上清十一大曜燈儀

法事如式

具位某誠惶誠恐稽首頓首再拜焚香上奏
三清上聖十極高真中天星主紫微大帝日
宮月府星君五星四曜星君南斗六司星君

北斗九皇星君周天二十八宿星君本命元
辰星君三官大帝四府真君五師三省真君
三界四府無鞅聖衆恭望聖慈洞回昭鑒

臣聞一晷乎晝一晷乎夜三光遮照於無窮
或降之祥或降之殃萬彙咸歸於有制幹分

為二

至啓閉而成歲司水旱饑穰以戒時丹桂白
榆雖有雲霄之隔貫珠合璧曾無杪忽之差
是故璇璣玉衡則創乎堯舜之朝銅儀木器
則備乎漢唐之世惟曜靈夜光之大德有五
色重輪以儲休惟陽縈天佐之威嚴有循軌

徒舍以表異躔次斯顯分野允符壇坎奠禮
神之方旂常標著明之象所以橫目宜觀於
經緯反身自省於行藏循還十有二宮列布
十有一曜孰謂道分遠邇了不相關其如德
召吉凶動無弗應矧窮通盛衰之匪忒皆羸
縮逆順之是繇旣成賴於生成曷敢忘於奉
事今醮主某夙趨靖館丕闡仙科仰覲靈游
撫塵凡而來下恭陳淨供昭悃幅以居歆稽
首歸依虔誠讚詠

臣衆等志心皈命日宮太陽帝君日宮神

仙諸靈官

臣聞大明為衆陽之宗久照啓羣目之用推
原氣象內抱烏而外駕龍判立晨昏出搏桑
而入細柳萬里同晷五色開祥永惟聖神尚
每嚴於兄事嗟爾士庶宜若奉於君臨今醮

為二

二

官某肅啓誠心輒敢陳手菲薦虔宣蕊笈庶
上徹於叢霄稽首皈依虔誠讚詠

東望搏桑宮 稽首朝鬱儀 太陽洞明景

寥寥何所思 令我拜金色 候天望英姿

黃華將玉女 臨軒降此時

臣衆等志心皈命月宮太陰皇君月宮神
仙諸靈官

臣聞圓魄麗天清光遡日或白或黑常觀縱
轡於金樞乍缺乍盈詎假修輪於玉斧素娥
縹緲而深隱宮殿丹桂婆娑而兼覆兔蟾氣

本陰精允著明威之義象侔后德咸依委照
之功今醮主某載肅蘭場仰瞻霄堦爰選正
一之侶恭揚隱秘之章稽首歸依虔誠讚詠
仰望顧八表 惟月孕陰精 中有太素皇

夫人駕綠輶 耀華光二極 混明照三清

慤懃求至道 五色下來迎

臣衆等志心皈命東方木德歲星重華星
君諸靈官

臣聞永惟木德咸仰歲星序四時而發春陳
五事而為貌進退如度則姦邪息赤黃而沉

為二

三

則年穀豐所臨國昌迺能安乎四境同色兵
偃茲實首於五行果玩蟠桃獸蹲剛鬣今醮
士某瞻虎帶之象惟罄肅恭詠金繩之章庶
祈昭格稽首歸依虔誠讚詠

歲星乘木德

展轉耀東鄉

凌天滋潤澤

正色晃明皇

尋華歌浩漾

擲水詠芝房

經時頻禱祝

獲福自然長

士臣衆等志心皈命南方火德熒惑執法星

君諸靈官

臣聞位居執法之嚴名記熒惑之重入太微

而受制參炎帝以乘離稽考六卿主司空而

兼司馬贊襄萬務內理政而外理兵森劔戟

之兼持儼弧矢之在御馬逾電逝旒逐風飛

今醮士某敷三洞之真文曾無少懈仰九天

之隱耀敢有弗恭稽首歸依虔誠讚詠

芒角森龍鳳
威光叱十方
丹罌耀午夜
朱火焰三邊
晶明符正氣
無劍戟煥兵權
攬搶應滅迹
孛彗敢當先

臣衆等志心皈命西方金德太白天皓星
君諸靈官

臣聞測金衡而瞻太白主大臣而號上公在
義無虧於言罔失儲祥降福國因臨照以寢
昌禁暴夷凶師必法象而後吉常御四弦之
樂旁觀五德之禽專浩氣之清英儼真容之
光麗今醮士某馳誠霄漢注想虛無敢披要

妙之文仰格清明之鑒稽首歸依虔誠讚詠
太白凌清漢 騰霜耀素英 亭亭浮瑞彩
皎皎盛長庚 鋒高能禦寇 色潤每降兵
推窮符曆數 合道與長生

臣衆等志心皈命北方水德辰星伺晨星

爲二

四

君諸靈官

臣聞徽稱曰辰盛德爲智小則驗夫刑法大
則考諸陰陽遠主蠻夷每占象於天街之北
近侔輔相宜贊元於崑廟之中序屬嚴凝氣
明殺伐立木猴而捧硯執素卷以抽毫今醮

士其遙跂珠躔想飈輪之馳騫肆陳玉冊宣
雲籙之幽微稽首歸依虔誠讚詠

妙哉符五炁 髣髴見真門 嵯峨當丑位

壬癸洞靈君 分輝凝皎潔 彤嚮赴思存

仙歌將舞蹈 良久下金天

臣衆等志心皈命中央土德地候鎮星真

君諸靈官

臣聞位正中央時當長夏仁義禮智主乎信
斯有望於成功視聽言貌正于心乃不入於
他道茂著黃帝之德是為天子之星帶劔伏

牛杖錫持印所居關柝能降吉祥今醮士某
敷敷碧篆之文遠飄雲路祈望翠蕤之仗俯
降塵寰稽首歸依虔誠讚詠

高穹符戊己

藏陸起重霄

五行尊暗曜

九土見光朝

甘石推留伏

陶巫算沈寥

上仙垂雨露

伏地禮空遙

臣衆等志心皈命交初建星羅睽隱曜星

君諸靈官

臣聞允惟神首之星爰播聿斯之詠號貴權

而操勢循黑道以韜光冠晨宿之威稜亦莫

余而敢侮掌日月之薄蝕其誰曰而不然身御
飛龍手持寶劍常占測乎晦朔庶消弭乎災
殃今醮士某恪奉威容輒敢陳乎菲薦虔宣
隱韻庶上徹於聰聞稽首歸依虔誠讚詠
神首循黑道 冥冥超至靈 暗明期朔望

陽德晦陰精

高鎮黃旒闕

矛戟耀霜鈴

志心俟多福

稽首誦真經

臣衆等志心皈命交終神尾墜星計都星
君諸靈官

臣聞推交終於玉曆想隱曜於珠躔愛罔克

威瞋目而仗三尺武且有力乘能而立九垓
允惟神首神尾之權共掌修德修刑之變怒
摧山嶽怪出龍蛇思能動之在誠必轉禍以
為福今黜士某啓雲鳳之韞祇詠靈文祈景
霄之輪下臨法席稽首歸依虔誠讚詠

處暗表陰德

豹尾鎮星宮

怒指摧山嶽

權凶暝太空

龍蛇生怪狀

變異忽昏蒙

主人長壽樂

禳應在恪恭

臣衆等志心皈命天一紫炁道曜星君諸

靈官

臣聞惟天一之道星稟木德之餘氣冠聳瑀
玉仰瞻穆穆之容服曳飛霞遙想鏘鏘之珮
悠然沖淡卓爾孤高燕居申申主張多遂於
閑適吉祥止止臨難自脫於迤危今黜士某
祇薦馨香俯殫懇款肆披宣於蕊笈庶上徹

為二

六

於叢霄稽首歸依虔誠讚詠

授制宗元帝

含精耀紫微

陰陽乘運極

幽顯閱靈機

玉輿登廣漢

金鈴步斗飛

四宿循周度

九土尊天威

長之然舉想黑

臣衆等志心皈命太一月字慧星星君諸

靈官等志以明命太一曰字慧星星宮前

臣聞切原太一之星蓋稟夜光之炁雖歷黑
道而可測然居陰曜而不盈儼冠服之飾躬
待將趨昕朝之著凜鈇鉞之在手又若擁大
將之權或凌犯以興災唯特達而降福是宜
禳謝曷罄肅恭今黜士某薦獻甚微精誠斯
罄將仰祈手飈馭乃恭誦於靈章稽首歸依
虔誠讚詠

太陰光玉緯

精魄育羣生

青桂黃華輔

鬱羅保素靈

毛頭分怪狀

彗尾或潛經

舍次流災福

齋修洞杳冥

諷經

回向

上清十一大曜燈儀終

南斗延壽燈儀

法事如式

具位某誠惶誠恐稽首頓首焚香再拜上奏
三清上聖十極高真中天星主紫微大帝日
宮太陽帝君月府太陰皇君五星四曜星君

南斗六司延壽星君北斗九皇延生星君東
西中斗星君二十八宿星君普天宿度羣真
本命元辰星君三元三官大帝北極四聖真
君五師三省真君三界四府無鞅聖衆燈壇
會上萬聖千真恭望聖慈洞回昭鑒

臣聞天地之德莫大於生洪範之疇莫全於
福爰有主司之職可伸禳祝之心仰惟三境
之中南斗爲長生之府六司之內真君持掌
握之權凡彼流形歸於所宰是以按河圖之
品格披靈寶之科儀嚴設星燈恭陳醮禮宜

通上境延降高真今弟子某心假香傳誠惟
物顯仰瞻南極上法斗司然寶炬之光明以
昭垂像誦具科而吟詠庶獲來臨伏願天鑒
不違神心善應瓊輿羽蓋咫尺威靈金馬瑤
車森羅空際延生定命克臻瑞氣之來燭幽
察微丕示照臨之德恭持法信上贊神明稽
首皈依虔誠讚詠

臣衆等志心皈命明德宮大聖南斗天府
司命上相鎮國真君諸靈官

臣聞天賦羣靈均有自然之命人懷大本咸

歸皇極之中養之者福謝尤生敗之者禍因
自起永惟宰制實在司存倘有所禳宜修誠
懇今辰某洗心滌慮養氣存神夙懷慕道之
心仰畏在天之像謹依科式建立星壇備香
花燈燭之儀歸命明德宮大聖南斗天府司
命上相鎮國真君伏願天誘其衷咸迪綿長
之道物蒙其澤悉無短折之凶稽首歸依如
儀讚詠

為二

八

南斗司命上相高真包羅萬象鎮國威靈
為天之府左右帝臣羣仙受令萬氣來生

金闕上宰 玉清尊神 玄元妙道 敢有不遵
萬神安鎮 衛護帝庭

臣衆等志心皈命洞文宮大聖南斗天相
司錄上相鎮嶽真君諸靈官

臣聞太極之初道無常體我生之後物有定
名災祥在德而貴賤罔差吉凶在人而賢愚
靡間眷茲主者付之自然倘施丹懇之誠必
獲洪休之報今辰某專心正意向道修真仰
惟成象之著明虔仗上天之助順謹依科式

建立星壇備香花燈燭之儀歸命洞文宮大

聖南斗司錄上相鎮獄真君伏願恢弘上道
默收糾察之威普濟羣生式序修爲之善稽
首歸依虔誠讚詠

南斗司錄天相尊神定生注祿保命延生
獄神受命爲二總監衆靈赫然妙道九蕩滌妖氛

蠲除惡障保衛身形羣仙歸仰衆妙咸明
造化自然飛昇上清

臣衆等志心皈命柔德宮大聖南斗天梁
延壽保命真君諸靈官

臣聞長生久視乃大道之體常祝壽延生實

庶民之所欲在天則常存而不易在人則命
遠而不傷欲其壽延莫先所禱將叩靈司之
祝宜修庶物之誠今某專意致明仰天觀象
冀神真之降鑒祈壽考之增崇謹依科式建
立星壇備香花燈燭之儀歸命柔德宮大聖
南斗天梁延壽保命真君伏願誕佈至仁咸
迪綿長之慶鋪張生德永無夭闕之虞稽首
歸依虔誠讚詠

南斗延壽為天之梁普度萬類咸其浸昌
壽考惟祺億載無疆永保天命以除不祥

生生不滅如陵如岡仁愛普施箕翼重光
與神合德亘古綿長

臣衆等志心皈命保光宮大聖南斗天同
益算保生真君諸靈官

臣聞數分而多寡殊多則為美命降而長短

辨長乃其祥惟方寸之不欺庶年齡之可益
上真所掌精意是求今某欲增耆艾之年欽
若昭回之像交於恍惚應以形聲謹依科式
建立星壇備香花燈燭之儀歸命保光宮大
聖南斗天同益算保生真君伏願大慈下際

長如春日之生遐算巨增盛若嵩山之固稽
首歸依虔誠讚詠

南斗益算與天爲同高明悠久生德無窮
保茲元命使不失中壽考且寧永契真風
至數流衍福祿來崇億萬斯年以衛我躬
為二
洞清上境命駕雲龍

臣衆等志心皈命天節宮大聖南斗天樞
度厄文昌煉真君諸靈官

臣聞二氣密移亦有盛衰之理五行迭運曾
無消息之機念彼勞生豈無厄會真聖既司

於救度黔黎宜竭於忱洵今某恐懼以飭躬
敬信而瞻像誓歸依於大道願受度於神休
謹依科式建立壇場備香花燈燭之儀歸命
天節宮大聖南斗天樞度厄文昌煉魂真君
伏願常善救人庶潛消於災咎永懷濟世示
陰隲以休祥稽首歸依虔誠讚詠

南斗度厄為天之樞靜以運化品彙榮枯
文昌炳煥以府圖書轉禍為福作我丹車
煉魂守神護魂保軀天光泰定災厄掃除
道炁長存聖真與居

臣衆等志心皈命大聖宮南斗天機上生
監簿大理真君諸靈官

臣聞真仙作德恥一物而不知聖道應時爲
羣心之妙用降衷立命受氣賦形眷掌握於
生成敢恭虔而請禱今某齋心向道稍意瞻

爲二

十一

天仰思長育之恩敢僭祈禳之禮謹依科式
建立星壇備香花燈燭之儀志心皈命大聖
宮南斗天機上生監簿大理真君伏願體乾
坤之生德以運化權使性命之委和咸歸有
道稽首歸依虔誠讚詠

南斗上生為天之梁
斡運造化出入應時
職在文籍鬼神莫窺
大虛寥廓大理之司
自根自本委順無虧
萬劫長存久視不移
普天司命上昇太微

南斗延壽燈儀

北斗七元星燈儀

法事如式

伏聞開明三景九晨爲梵炁之宗回度五常
七政乃元綱之首定樞機於太極司喉舌於
圓穹吐輝則調理四時含耀而恢張萬範三

十六候冥劫會於天關一十二時辯方維於
地紀紫微之上拱帝座以彌高黃道之中布
星躔而不忒或旁行越位正陰陽勃蝕之期
或召運僂輪應日月推移之數靈鑒而無毫
不顯淵通而有類咸均故得落死上生煥丹
文於南極延齡益算注紫筆於東華昭明積
善之家膺合降祥之慶今某人夙承妙蔭生
遇昌時荷帝念以杲深撫塵心而罔措輒邀
眞侶恭啓仙科點照太上北斗延生一炷燈法
璇極以舒壇布銀缸而建斗紫煙縹緲想華

蓋以藏身丹焰熒煌迓勾陳而隱景伏願花
開善瑞燼落浮災福祿增崇發靈光於壽域
吉祥至止靄冲炁於高閣稽首歸依上度誠讚
詠

長生保命護身天尊

爲二

十二

臣衆等志心皈命樞宮大聖貪狼陽明真
皇君斗中神仙諸靈官

伏聞飛晨合景樞星掌劫會之權司以糾非
陽明主璇璣之運上宰九天之化中監五嶽
之靈下總人倫旁分品類定死生之有命鑒

善惡以無私今某人恭款芻心虔依妙範布
斗極星辰之象備香花燈供之儀志心皈命
樞宮大聖貪狼陽明真皇君伏願回光啓耀
開寶鑒於靈圖注祿添年刻生名於玉簡罪
消昔劫福蔭後昆稽首歸依虔誠讚詠

貪狼延生回真四靈流光下映洞煥玄冥
七元紀籍固侍體靈靈真紀錄上元衛形
冤鬼長守耳目無驚攝衛扶命胎真流行
保真自然上昇玉京

臣衆等志心皈命璇宮大聖巨門陰精真

皇君斗中神仙諸靈官

伏聞星有五門協三光而遠映門開四照合
萬炁以騰輝校天府之昇遷主兆民之祿壽
委質難逃於淵鑒通津實賴於明梁今某人
蕝事瑤壇馳誠金闕布斗極星辰之象備香

為二

十三

花燈供之儀志心皈命璇宮大聖巨門陰精
真皇君伏願身度千災命延百福天開神宇
炁集真元碧簡題名固長年於劫石丹臺紀
善增壽算於靈椿稽首歸依虔誠讚詠

巨門度厄 高真靈仙 流光輝映 保命延年

七元主籍自得長生
消滅艱危災難移遷
臟腑開明內外無愆
光運合景與神同連
鍊化自然上昇玉京

真臣衆等志心皈命
璣宮大聖祿存真人
真皇君斗中神仙諸靈官

伏聞偃息華蓋徒知空步之明
潛洞太虛莫測飛神之妙
八景九天之上道契清錄以通
真五嶽四瀆之高仙隸黃臺而受事
矧茲下土實仰餘光
今某人潔已齋盟法爲壇
壇布斗極星辰之象
備香花灯供之儀
志心皈命

機宮大聖祿存真人真皇君伏願慶叶遐年
福資浩劫三千萬之甲子地久天長一十二
之靈門陽開陰閉脩閑白日宴味沖和稽首
歸依虔誠讚詠

祿存保命 高真散神 王炁攝伏 侍衛敬賓

七元上籍 運致元真 流演靈明 契體洞津
永辟不祥 內守身形 削死上生 與神敷陳
保舉自然 上昇玉晨

臣衆等志心皈命權宮大聖文曲玄冥真

皇君斗中神仙諸靈官

伏聞星主淵冥位司遊擊隱微潛耀領北帝
之三宮福善禍淫攝黑靈之五炁或殄除凶
勃飛火甲於六天或剪馘不臣耀朱兵於四
鄙凡居動植皆出生成今某人洒落壇場肅
清塵垢布斗極星辰之象備香花燈供之儀

爲二

十四

志心皈命權宮大聖文曲玄冥真皇君伏願
削罪除愆落九陰之鬼錄拘羸制鬼得七返
之仙方行藏無非橫之虞視息合太和之慶
承茲上善永洽殊祥稽首歸依虔誠讚詠

文曲益算流真散扶光映下衛與形同敷

七元度籍洞煥玄无 鎮護精神 保衛形軀
威神可畏 真靈駕浮 明視表裏 與神齊俱
保鍊自然 上昇玉虛

臣衆等志心皈命衡宮大聖廉貞丹元真
皇君斗中神仙諸靈官

伏聞杳靄崑臺之上 交映七門 隱芒金蓋之
輝 潜通二景 絳木結素華之實 瓊津凝治鍊
之膏 校錄上真 統攝鬼神之簿 提綱下學 權
輿生死之機 今某人澡雪襟靈 遵承科簡 布
斗極星辰之象 備香花燈供之儀 志心皈命

衡宮大聖廉貞丹元真皇君伏願善履三元
削三災於短景順迎五運植五福於深根或
在仕登榮盡繼清崇之世或行商坐賈皆為
富盛之家稽首歸依虔誠讚詠

廉貞消災 四明開陽 上靈散輝 洞映神光

為二

十五

七元衛籍 司命延昌 明上紀名 使我綿長
保固身命 除凶去殃 神真吐威 流演洞鄉
剋携自然 上昇玉堂

臣衆等志心皈命闔陽宮大聖武曲北極
真皇君斗中神仙諸靈官之呈奠簡

伏聞玉樓炳景隱飛華宸極之星瓊簡璿文
紀迴度空常之道定法輪之階級考至學之
功勤飛芒耀於八門無幽不燭擲流光於萬
里有礙皆通今某人委迹塵寰宅心道域布
斗極星辰之象備香花燈供之儀志心皈命
闔陽宮大聖武曲北極星皇君伏願一念關
陞萬靈佑序瀉銀河於碧漢克注遐年聳巨
嶽於瑤空永躋上壽姻親和睦嗣族歡娛稽
首歸依虔誠讚詠

武曲散禍玄映除凶三光煥照萬炁流通

七元注籍列位斗中
檢身護命災難不逢
上皇保真命祿無終
正道長存與神無窮
保命自然上昇玉宮

臣衆等志心皈命瑤光宮大聖破軍天關
真皇君斗中神仙諸靈官

伏聞天迴地轉瑤光推空洞之輪斗建星躔
虛皇紀運行之度位尊上帝威制羣魔正炁
所臨萬物遂生成之性飛罡所指百邪無逃
遁之形今某人滌垢舒壇披誠奉教布斗極
星辰之象備香花燈供之儀志心皈命瑤光

宮大聖破軍天關真皇君伏願道契丹臺南
斗注長生之字罪消幽府北都詮不死之名
四序營爲盡叶光華之慶全家視履咸沾清
淨之風稽首歸依虔誠讚詠

七元覆護天尊

爲二

十六

破軍扶衰運致玄真南司保生延壽體寧
七元典籍靈真榮名列位上仙合慶連并
丹靈散光洞入玄冥騰霄飛翔與神同齡
保命自然上昇玉庭
北斗七元星燈儀終





此册缺一卷

